




ARUBAANSE COURANT

DIARIO ARUBANO

REDACCION Y SUBSCRIPCION TEL: 2116
 MANAGEMENT Y ANUNCIO TEL: 1116
 MANAGER: E. WOUTERS

DIARASON 23 DI FEBRUARI 1966

EDITA PA: ARUBAANSE DRUKKERIJ, UITGEVERS
 & PUBLICITEITS MIJ N.V.
 IMPRIMI PA: DRUKKERIJ "DE STAD"



Dialuna atardi ultimo tabatin un espectaculo basta bunita pa mira den Wilhelminastraat caminda un gran parti di e dak di e station nobo di Shell a worde ranka for di su spantnan. Nos tabatin e oportunidad pa saca varios portret di esaki promer cu el a worde drecha, kita of haci algun hende danjo. Algo poco strango a pasa despues cu nos a caba di saca e foto. E representante di Shell na Aruba senyor V. Henriquez a informa nos cu si nos sabi cu nos por hanja nos den trobbel cu e publicamento di tal portret, pues como cu e ta di Shell. Ora cu el a declara esaki el a camna bai den oficina di Shell y pa seguridad nos a puntre si loke el a declara ta official. El a bisa cu si esaki

ta official, dilanti di mas persona den oficina. Loke nos kier agrega aserca ta. Pueblo kier sabi ora algo ta pasa sea cu Shell, cu Esso cu Lago Oil & Transport Company of cu kende cu sea. Trabao di prensa ta pa informa pueblo y Arubaanse Courant lo lucha pa esaki. Nos no tey pa trece noticia dushi so, pero tambe marga. Si Shell no tabata desea pa saca foto anto nan por a tapa henter e stacion cu un panja di lona, manera tin algun hende ta laga haci ora nan bolter cu auto. Prensa na Antillas tin number di ta liber y nos lo bringa pa mantene esey. (fotografador-redactor R. Engelen.)

STRATFORD A DISPARCE CU LUZAN PAGA

ORANJESTAD - Dialuna anochi diez' or e baporcito "Stratford" cual tabata mara na cadena den haf di Oranjestad en relacion cu un caso judicial cu ta tumando lugar, a desaparece di e sitio na unda e tabata marra pa varios siman caba. Parce cu e bapor aki a sali cu luznan paga for di haf y door di esaki e lo a dal contra un otro barcu, prome cu el a cruza pa laman grandi. Esaki a ser informa na nos for di diferente circulonnan, ayera mainta laat.

E baporcito "Stratford" tabata nabega entre Suriname, Argentina y tabata transporta carga entre e dos paisnan menciona. Na un dado momento a surgi dificultadnan tocante ricibimento

y pagamento di un cargamento. En relacion cu e dificultadnan aki oficina di abogado "Willemsen en Wix" a hanja orden for di Suriname pa pone beslag riba e bapor, asina cu e bolbe yega

Aruba. Esaki a tuma lugar varios siman pasa y for di e tempo aki "Stratford" tabata na cadena den haf, mientras cu na mes momento e abogado nan a cuminsa un caso judicial. E oficina di abogado a bai den Hoger Beroep riba e decision di huez den prome instancia y a bolbe pone e bapor na cadena.

Dialuna anochi, sin embargo, personanan cu muy probablemente tabata keda cu e bapor na Aruba - di un manera of otro a logra na saca e bapor for di haf y a hui cu ne.

Segun informacionnan inoficial e tratamiento di e caso den hoger Beroep, a ser trata pa corte supremo na Corsow y cu e corte a rechaza e sentencia di huez den prome instancia. Esaki ta nifica cu "Stratford" mester keda na cadena. E bapor, pues, a sali net un dia prome cu e caso a ser trata dilanti corte supremo.

SEMPER N° 1



N° 1 PA SER TRAHA
NA ANTILLAS

N° 1 NA SABOR Y
CALIDAD

LAGUNA A VENCE MOROCHO PA TKO

PANAMA--Ismael Laguna campeón di peso ligero di Panama, diasabra anochi a derrota e campeón mundial di peso welter junior, e venezolano Carlos Morocho Hernandez den octavo round di nan pelea cu tabata señalá pa dies round. E pelea a ser efectua den estadio olimpico di e ciudad di Panama, E título no tabata den wega. Morocho a subi ring pisando 134-1/4 liber y Ismael Laguna 133-1/2

E panameño Laguna, hasiendo gala di un preparacion físico extraordinario y un velocidad di su pianan y mannan cu Hernandez na ningun momento no por a descifra, a impone na su estilo. Laguna, debi na su movilidad y preparacion por a deshaci di e golpinan di e venezolano y a drenta cu tremendo cambionan

di golpi, ora cu esaki tabata necesario. Despues di e pelea Morocho a bisa cu e tabata bringa cu su man drechi lesiona for di e cuarto round. For di e tercer round Morocho su cara tabata tur cora ya cu e panameño tabata alcansele cu slanan den cara. Den cuarto round Morocho tabata muestra masha sereno y tabata busca un manera pa habri e defensa di mannan di e panameño. Na final di e round Morocho ta busca un knockout forsanando e panameño cu hopi slanan, pero e ultimo ta hanjele forsa di drenta den clinch. Den quinto asalto e superioridad di Laguna tabata visto, e tabata conecta cu precisión y Morocho a cuminsa drenta condicionnan malu y a limita na tira jabnan de ves en cuando. Den sexto round Laguna ta continua su ataque sin tene cuenta cu

nada y e venezolano tabata muestra cansa, mientras cu Laguna tabata muestra den condicionnan perfecto, tirando jabnan y tabata move sin cu na ningun momento e tabata un blanco di Morocho. Den un intercambio Morocho mester a busca refugio den cabuya, drentando den clinch. Yegando den e septimo round, Morocho no tabata muestra señalnan di recuperacion, pero al contrario e tabata muestra peor, sangrando pa nanishi y den un ataque di Laguna e tabata a punto di cai. Den e octavo round Morocho a sali drenta pa pone tur cos riba otro, y Laguna a acepta e reto sin bek atras ni un solo momento. A surgi un violento cambio di golpi, pero esun di Morocho tabata un recurso desespera. E tabata asina malu cu referee mester a para e pelea, pa Laguna sali vencedor pa knockout técnico.

Rotarios ta celebra aniversario

ORANJESTAD - Rotarios di Aruba e siman aki ta observa nan di 61 aniversario di fundacion di e promer club Rotario. Dentro di e siguiente poco dia, mas cu 581.500 Rotarios cu ta pertenece na 12.000 club den 131 pais lo celebra e evento aki.

Movimiento Rotario a cuminsa na Chicago dia 23 di februari 1905, tempo cu cuatro socio di comercio a bini hunto pa trata di mengua e soledad den nan vida. Nan tabata kere firme cu relacion comercial por - y mester - promove relacionnan amistoso. Practiconan di negoshi, e funda-

donan a pensa, no tin mester di ta un estorbo pa amistad. Desde e promer dianan ey, Rotario a bira un movimiento principal den trabao pa mehoracion di comunidad, pa actividadnan juvenil, pa yuda esnan cu ta mancaron, pa hiza e standard di practiconan di negoshi y profes-

sion, y pa establece relacionnan personal y amistoso entrehendernan cu ta contribui na mehor entendimiento internacional. Desde ya hopi tempo a ser observa cu Rotarios mas bien ta kere den tuma accion en vez di papia. Nan ta concerna mas pa hanja oportunidadnan pa duna servicio cu di elogia nan mes riba nan exitonan den pasado.

E club Rotario di e comunidad aki, mescos cu otro clubnan Rotario den nan comunidad, ta yuda den hopi forma pa haci Aruba un mehor lugar di biba y traha y pa desaroya familiaran feliz y salud.

Manuel Viaha, president di e club Rotario di Aruba, a bisa lo siguiente ora el a anunciar e aniversario: E celebracion di e ocasion aki ta algo mundial, pasobra tin mas cu 12.000 clubnan Rotario y 581.500 Rotarios den 131 pais. Peseu, reunionnan di Rotario cu ta conmemora e evento aki lo ser teni den hopi idioma, cual ta inclui Ingles, Hulandes, idioma Arabe, di Burma, Flamenco, Agalico, di Korea, Japonés y di Persia.

Rotary Club di Aruba, cual a ser funda na december 1938, tin 45 miembro, kendenan cada uno ta un comerciante of persona profesional den su comunidad. Como cu e miembronan di e club ta consisti di un hende for di cada actividad di comercio of profes-


Sam Jacobs ta reta bateadornan arubano

(Di Nos Redactor Deportivo) E conocido lanzador derecho di baseball, Sam Jacobs, kende varios luna pasa a bandona Aruba pa bai residencia na Corsow, tabata un di e hopi cientosnan cu a bin for di nos isla hermana pa presencia e tremendo carnaval cu nos ta custunibra di celebra na Aruba. Durante su estadia di algun dia, Sam Jacobs den su ex-companjeeronan di equipo a haci declaracionnan cu e ta den magnifico condicion. Manera ta conoci, e ta forma

partí di e equipo di Sta. Rosa Argo Indians, cual equipo a ser invita pa un serie di dos wega contra di Heinekens y Esso na Aruba riba dianan 19 y 20 maart.


Sam Jacobs ta sinti su mes asina fuerte cu el a reta e bateadornan Arubano di e dos equiponan ey ofreciendo na cada uno cu dal un tubey of mas contra di su lanzamentonan, un bate di regalo.

Na Aruba, Sam Jacobs tabata lanzador estelar di Heinekens.



Firmamento contract entre e campeón Antiyano Sugar Boy Nando y e fuerte Cubano Pedro Miranda. Ariba e foto di r. pa dr.: Nando, promotor Johan Stefanie, manager Oswald Mier cu su pupilo Pedro Miranda.

Frescura di Mentol



SALEM
ta refresca bo smaak

sion, e club local ta un bon representacion di comercio e industria di e isla. E base aki pa bira miembro a cuminsa cu e promer

SEÑORITA DI ARUBA A "PEPDE" DEN KATENDRECHT

ORANJESTAD - Nos correspondiente na Hulanda cu a hanja e encargo na pone e lectionnan di "Arubaanse Courant" na altura di e actividadnan di esnan (di Aruba) na Hulanda, ta informa cu ademas di e hopi progreso cu e yunan di Aruba ta haci na Hulanda, sa aosode algun blaha cu un of mas di esnan di nos ta hanja nan den sucesonan menos agradables.

Asina tabatin e caso di un señorita Arubana cu a bai Hulanda pa studia pa maestra di school. Dificultadnan a presenta p'e, e no por a soporta nan y el a "perde" den Katendrecht, e barrio "rebelde" di Rotterdam. Otro Arubahonan a tende di e suceso aki y awor nan ta tratando pa drecha tur cos atrobe.

"Souvenir uit de tropen" a sali

ORANJESTAD - Recientemente a yega den nos poder un preciosidad di un buki di caricatura, prepara pa algun marinier Hulandes cu ta staciona na Aruba, esta e mariniernan Kok, Koster y

club y a keda asina durante anjanan y ta forma uno di e principal caracteristiconan di e organizacion Rotario.

Kapitein Heineman. Ta trata di e buki "Souvenir uit de Tropen" bon presenta y cu hopi caricaturanan riba e marinier den tropico. Por bisa cu e trabao di e trio menciona, cu ta intenciona pa duna un idea di con e marinier Hulandes ta sinti su mes na Antillas, ta bon prepara y cu e humor apropla. Un buki cu cada marinier y amigo di e mariniernan den tropico lo kler posee.

"E CAMINDA PA FELICIDAD"

SAN NICOLAS - Dialuna 28 di februari pa och'or di anochi den Club Suriname, un charla lowor-de teni bau auspicio di "Aruba Chapter Amorc" un subdivision di e Rosacruznan.

E charla ta a cargo di dr. H.P.A. van Schouwen, kende recientemente a worde nombra como inspector general di e Rosacruznan den e area di Caribe. Tambe nan lo pasa e anochi aki un pelicula cu ta relaciona cu e topico riba cual e pelicula ta trata.

Tur hende ta worde invita pa asisti na e charla. Entrada ta completamente gratis.

NANDO CONTRA MIRANDA DIA 11 DI MAART

(Di Nos Redactor Deportivo) Promotor Johan Stefanie alogra hanja firma di dos pugilista pa su proximo programa di boxeo profesional cu por bien resulta den un di e mas sensacional peleanan hamas presenta na Aruba. Dialuna merdia e campeón Sugar Boy Nando y e Cubano, Pedro Miranda, a firma contract cu e promotor menciona na unpeleadi diez rond den Wilhelmina Stadion ariba e anochi di 11 di maart 1966.

Di e campeón Antiyano nos tin di menciona cu e lo ta ansioso pa demostra cu tanto na Aruba como na Antiyas ta e ta e mihor te ainda. Especialmente na Miranda kende a haci un impresion sensacional den su debut derrotando e aspirante Kid Fenton den forma mas rotundo, Sugar Boy Nando lo kler proba cu e lo por para e fuerte Cubano.

Sin duda algun esaki lo bira un

pelea pa cual e interes di parti di e fanaticonan di boxeo lo ta enorme grandi. Esunnan cu no a presencia e actuacion di e Cubano Miranda a tende y leza hopi comentario cu lo pone nan ta presente sin falta dia 11 di maart.

E pelea anuncia entre Sugar Boy Nando y Jack Johnson di Corsow pa dia 4 di maart 1966 no ta sigi. Por cierto den nos concepto un encuentro mas cu Johnson no ta algo cu ta trece algo pa Nando.

Promotor e Stefanie ta trahando pa completa e programa di dia 11, pa cual nos ta sigur cu e pelea estelar mes caba ta un atraccion enorme.

Awor e campeón Antiyano ta bai hanja oportunidad di demostra cu e ta mas mihor cu Fenton, kende ta convirtiendo den e aspirante numero uno pa e corona di Nando.

ASI ES ARUBA



Borchinan di indicacion, borchinan di trafico y lo demas borchinan di Aruba tin blaha ta den situacionna ridiculo y no aceptable. Aki riba nos ta pone solamente algun di e borchinan di cual tur ta arriba caminda cu diariamente tin cientos di auto ta pasa.

Borchinan cu tin di bisa por ehemplo "Tene bo Aruba limpi", pero cualnan mes ta asina sushi y sin color cu ta tristo. Varios di e borchinan aki di indicacion pa e turistanan na tur skina di e isla durante tempo a somenta y no a worde renoba, nan situacion no ta un bon propaganda pa nos isla.

Apesar cu nan a worde instala especialmente pa e turistanan, Encuanto di e borchinan di trafico, wel esey ta un capitulo aparte. E chusmanan di calla cu ta camna rond ariba Aruba tin un placer y gozo ora cu nan por kibra e borchinan aki. Ora nan por demonstra nan forza brutal door di dobla un borchin tanto posibel. Di otro banda tin borchinan di trafico cualnan simannan largo of lunanan largo despues cu nan a worde kibra asina pa man di baladadi of pa auto nan ta keda mescos. Tur dia nos por tende predicamento pa tene trafico di Aruba sigur, pero si nos no tin borchinan adecuado ta dificil.

Hopi borchinan ariba Aruba alavez ta scondi tras di matanan door di cual bo no ta miranan. Otronan ta worde susha cu verf of otro sushadad door di cual nan no ta comprendibel mas. Aki mester cuminsa actua. Un tempo e cashinan di telefoon publico tabata worde kibra na granel. Despues "Boschi Plastics" a traha cashinan di un material cuta soporta

hopi, door di cual menos cashinan di telefoon ta worde kibra.

Awor ta bira tempo pa haci algo pa nos borchinan di trafico y otro borchinan di indicacion.

Entre tanto esnan responsabel pa e borchinan di trafico trata pa nan reemplasa e borchinan na tempo. No despues di algun siman of luna, por favor.

(Camara Indescreta).



ORANJESTAD - For di un vooero di e conjunto Curazolenjo "San Jose" nos a ser informa ayera tardi cu e conjunto te ainda ta na Aruba y no por regresa Corsow, pa motibo cu e avionnan ta yen di hende pa Corsow. E conjunto a yega Aruba diabierna ultimo cu intencion pa regresa dialuna ultimo, pero te ainda nan ta na Aruba debi na cu A.L.M. tin masha hopi pasahero pa transporta. Desagradable di e caso aki ta, cu e integrantenan di e conhuntio

no por cumpli cu nan trabao diario y ta teme lo peor. E ultimo dianan nan a pasa na vliegvelde y tin di nan ta drumi na vliegvelde, den autonan of otro sitionan.

Den e otro personanan cu tambe tin di keda na Aruba debi na e cuestion aki, tin tambe un senjorita cu ta traha na un corant na Corsow.


Te cu ayera tardi e integrantenan di e conjunto no tabata sa, ki ora o ki dia nan lo por regresa Corsow.

LABA? DRYCLEANING?

'SUPERCLEANING'

van Galenstraat 4, San Nic.
Aruba,
tel. 5039 & 5558

Nos ta busca y entrega Bo panjanan. Bachi, carson, camisa, shimis, etc.




Esaki ta un grupo di e miembronan di Rotary Club na Aruba kendenan e luna aki lo celebra e echo cu 61 aña pasa Rotary a worde funda na Chicago na Estados Unidos. E club internacional ta conta cu mas cu 581,500 miembros.

**Tabaco...
FINO!
Humada...
PURO!**

**CASINO
CHARCOAL FILTER**

LOKE A SOBRA DI CARNAVAL '66



LOKE A SOBRA DI CARNAVAL '66



A CUMPLI 50 ANJA DJE BATALLA DI VERDUN

*Batalla di mas heroico, ma alavez di
mas sangriente di mundu*

VERDUN--UPI--Ayera dia 21 di februari a haci net 50 anja cu prome guerra mundial a terminá aparentemente. E beligerentenan a alcanza equilibrio inestable, despues di a sufrir ciento miles di perdanan.

Di pronto, exactamente pa 7.15 di mainta di dia 21 di februari 1916 e ehército aleman a descender a ataque di artilleria di mas terrible cu hamas mundu a conoce te awor i dje manera ei a cuminsa e batalla di Verdun, cu a sigui sea e guerra di mas sangriente y di mas grandi den añálonan di humanidad.

Durante casi 500 dia di lucha sin pausa, casi Francia i Alemania a martiriza nan mes. Mas di 400,000 frances i un numero casi igual di alemanan a perece den e batalla di mas prolonga i mas terrible di historia. Awe Francia i Alemania ta aliado. Pero recuerdonan di Verdun ta inolvidablemente graba den memoria di ambos nacion.

Francia lo conmemora oficialmente domingu di Pentecostes cu ta dia 29 di mei proximo e batalla di Verdun den un ceremonia solem cual lo tuma luga den e anterior camponan di batalla - aqui cu asistencia di president de Gaulle.

E ceremonianan aqui lo ser repiti den tur ciudad i aldeanan di Francia, mientras 1,100,000 sobrevivientenan di prome guerra mundial lo ocupa luganan di honor den tur e actonan aqui. Sin embargo pa millones frances e actonan aqui tabata haci nan recorda e salvador di Verdun, Henry Phillipe Petain, quende tabata comandant i mentor di general de Gaulle y cu a muri den desgracia despues di a encabeza e regimen di Vinchy, durante ocupacion Nazi di Francia, den segundo guerra mundial.

Ainda e restonan di Petain ta sepulta den Ile Dyeu, barrí pa biontan di atlantico, frente di costa, camina e anclano mariscal a muri na 1951, mientras e tabata condena pa alta traicion. Partidarionan antiguo di Petain a hiba un campanja incansable pa logra cu su restonan por a ser entera na un manera usual na Verdun, pero te awor de Gaulle a nega di otorga e permiso aqui.

Awe cu a cumpli 50 aniversario

di comienzo dje batalla, e campanja di Verdun mes, aunque no den comentario nacional, na unda tin dera 15,000 dje hombernan cu a muri den e campo bao di comando di Petain.

E ciudad fortifica di Verdun cu ta domina e valle del Mosa, tabata e objetivo principal dje generalnan aleman na principio di anja 1916.

E guerra sangriente aqui a ser libra den dos frente: contra Francia i Gran Bretaña na occidental i contra Rusia na Oriental. Alemanan tabata tene un ataque

Frances den su comunicacionnan lanza desde Verdun. Dia 21 di februari 1916, di quinto ehército Germano bao di mando di principe heredero Guillermo, - "Guillermito", manera Britanico nan tabata jame, a ser lanza contra lineanan frances durante enter largura di un frente di 38 kilometer riba e alturanan cu ta domina ciudad di Verdun.

Nuebe division aleman a ser envolvi den e asalto inicial, mientras nuebe otro division tabata na retaguardia como reserva. Petain tabatin seis division ta protega Verdun cu 10 of 15 division mas como reserva. Despues di un bombardeo di artilleria di nuebe ora largu di violencia manera nunca visto antes, alemanan a duna comienzo na nan prome ataque di infanteria pa 4.45 di atardi dia 21 di februari.

Durante e prome dianan e ofensiva aleman a logra exito considerable. Pero dia 25 di februari resistencia frances a aumenta. Denter di 26 i 29 di februari alemanan a lanza mas di 500,000 soldá contra fortaleza di Beaumont, na norte di Verdun, te ora cu mortalmente cansá

e tabatin di detene su ofensiva. No obstante dia 4 di maart nan a capitula.

E batalla a dura enter primavera i e francesnan a continua nan increíble resistencia. Dia 9 di april Petain a parti un orden del dia cu tabata termina asina: "Sea fuerte. Sea balente. Lo nos vence." Esaqui ta un frase cu ta duna paso den historia di Francia.

Dia prome di Juli Francesnan a inicia e batalla di Soma, obligando alemanan na disminui nan presion riba Verdun. Na Otonjo di 1916 francesnan a retorna e forzanan di Beaumont i Vaux. E reconquista di LA Colina 304, dia 24 di augustus di 1917 a pone un fin na un accion cu a dura un anja i mei.

Ciudad di Verdun a queda semi destrui pero el a skirbi tambe un dje paginan di mas glorioso, no obstante alavez esun di mas sangriente di historia militar na Francia.

Awor 50 anja despues, den alturanan di Beaumont ta existi un necropolis extendi den esaqui 18 monumento di graniet cu ta encerrá restonan di miles francesnan.


Den e cementerio nacional di Verdun tin tambe otro 15,000 victima sepultá dje anterior campo de batalla, na unda nan a lucha, i a muri na defensa di nan patria.

Verjongde Klieren — Harnieuwde Kracht Zonder Operatie

Indien U zich oud gevoelt voor Uw tijd, of lijdt aan een uwe-, hersen- of lichamelijke zwakte, sult Uw nieuw geluk en gezondheid kunnen verkrijgen doorking Amerikaanse medische ontdekking, welke de jeugdige kracht en levenslust vlugger herstelt dan klier-operaties. Het is een eenvoudige behandeling thuis in tablet-vorm, ontdekt door een Amerikaanschen dokter. Voltrekt onschadelijk en gemakkelijk in te nemen, doch het natuurlijke invloed op klieren en werkt op natuurlijke wijze op klieren en vitale organen, vormt nieuw zuiver bloed, en werkt zoo snel, dat U binnen 24 tot 48 uur nieuwe lichamelijke kracht en sterkte kunt sien en gevoelen. Dank zij zijn natuurlijke invloed op klieren en zenuwen, geeft het vaak een verbazingwekkende verbetering in denkkraft, geheugen en gezicht.

En deze verbazingwekkende, nieuwe klieren krachthersteller, Vi-Tabs genoemd, wordt gegarandeerd. Zij is door duizenden in Amerika getoetst en beproefd en is daar thans bij alle apothekers verkrijgbaar. Haal nog heden Vi-Tabs bij Uw apotheker. Neemt er een proef mee. Merk de groote verbetering binnen 24 uur op. Neem de volle flesch, die 8 dagen duurt, met de etelijke garantie, dat U zich vol krachten, energie en levenslust en van 10 tot 20 jaar jonger sult gevoelen, of ge krijgt Uw geld terug tegen het ledige pakje. Een speciale dubbel-sterke flesch met 48 Vi-Tabs kost weinig en de garantie beschermt U.

Vi-Tabs
Herstelt Mannelijkheid en Levenskracht



NEW YORK--Comissario di polis Vincent J. Broderick ta limpia su lessenaar na oficina di polis, Broderick lo ser reemplaza pa e ex-comissario di polis di Philadelphia Howard Leary cu lo ser reemplazá, na su bez, pa John Lindsay na City Hall. Radiophoto UPI.

CONFERENCIA DI PRENSA CU DE GAULLE

PARIS -- UPI -- President general Charles de Gaulle a ofrece awe un di su audiencianan real, den cual el a munstra cu el a sinja algu den su contactonan electoral cu e pueblo frances den e luna di December ultimo.

Conferencianan di prensa di general Charles de Gaulle ta absolutamente segun su estilo. Esaqui tin mas apariencia di un pronunciamiento real, den cual 500 dje homber nan di mas poderoso di su reino ta combersa cu 500 periodista local y stranjero den un berdadero enorme cantidad di stulnan dora pa tende de Gaulle anuncia desde un podio loque ta spera Francia y subisijnanan durante e seis lunanan cu ta sigui.

E reunionnan semi-anual aqui cu prensa cu ta hiba a cabo den e gran salon di baile yen di un cantidad di arananan di brons y cristal di palacio di Eliseo, edifica den siglo 18, semper nan ta anima cu e ingenio di de Gaulle.

Pero e president a aparece awe ainda mas agudo cu custumber, ademias di esel e tabata di bon humor, ora cu e tabata responde un di su interpelantenan.

E periodista en kestion quier a sa paquico e president no a duna di conoce na pueblo frances durante e campanja electoral, existencia dje secuestro dje lider oposionista Marroqui Mehdi Ben Barka, cu ultimamente a ocasiona un enorme escandalo na Francia y casi a ocasiona un quebrada entre relacionnan di Paris y Marruecos.

Y cu un sonrisa riba su cara general de Gaulle a contesta instantaneamente na su interrogador:

"Mi no a haci esei, debi na mi inexperiencia".

Y atrobe a aparece e mes sonrisa riba su cara despues dje contesta.

Ma despues e general a cuminsa na ridiculiza e forma den cual prensa frances a trata precisamente e caso di Ben Barka, el a haci referencianan na novela

y peliculanan di detectivenan y personanenan di television franceses "Gelphegor" y "Barbouzes" barbudonan atente di gobiernu frances cu den e pantalla audiovisual ta lucha contra insurgentenan derechista y por ultimo, e agente secreto "James Bond", creacion dje escritor britanico Ian Fleming.


Muy rara vez e austero general, conoci pa su empleo frecuente di anacronismo lingüístico di siglo 17, cu ta manda ainda esnan di mas instrui bai consulta nan diccionario en busca di nificacion di su declaracionnan a basi e periodistanan queda menos leu cu nan tabata prome cu nan a bishita e reunion di prensa.

MANIFESTACION CONTRA MERCA

MANILA--UPI--Mas o menos dos mil manifestante filipino, cu antorcha, y borchinan contra Estados Unidos y cantando "Macacunan Yanqui", "Bal a desfla ayera nochi dilanti embahada norteamericana y a impedi embahador William McCormick Blair di sali di e edificio.

E manifestantenan den nan mayoria obrero y estudiantenan a realiza e marcha di protesta dilanti embahada poco ora prome cu jegada di vice-presidente estadounidense Hubert H. Humphrey. E manifestantenan a hanja bentana y portanan di e embahada serrá. Tur luz di e sede diplomático tabata pagá y mas di 60 polis cu uniform tabata tene warda na entrada.

Poco minuut despues di jegada di e manifestantenan, un agente di seguridad norteamericano a informa e capitán "i polis di Manila, Barbers, embahador Blair ainda tabata den embahada y cu e kier a sali. Barbers, no obstante, a insisti pa e embahador no sali y a agrega: "Si e hastele, tur riesgo ta corre riba dje".



MANILA, FILIPINAS-- Mas o menos 2,000 estudiante universitario ta tene un manifestacion anti-norteamericano, anti Humphrey (cu un borchí cu ta bisa: "Humphrey, asesino") y anti guerra di Vietnam, dilanti embahada norteamericano na Manila. Radiophoto UPI.

Vergunning di Madiki Country Club a ser hala aden

ORANJESTAD - For di fuentenan fededigno nos a ser informa cu ayera mainta e personanan cu ta dirigi "Madiki Country Club", a ser poni na haltura cu e "Societeitsvergunning" di e club a ser hala aden. Esaki ta nifica cu "Madiki Country Club" a worde sera.

E medida aki a ser tuma, pa motibo cu a resulta cu e "Societeitsvergunning" no ta ser usa manera ley ta prescribi. Un Societeitsvergunning ta contene entre otro cu entrada pa e club y otro facilidatnan ta ser duna na miembronan di e club solamente y no na henter publico. Ta parce cu e dirigentenan di "Madiki Country Club" a faya cu interpretacion di e vergunning aki y no a tene nan na dje. Na otro punto pa cual e vergunning a ser hala aden ta e cuestion, cu e vergunning ta stipula cu un Societeitsmester worde "gerund" pa cuenta di e sociedad no pa cuenta di un of mas persona individual.

Ta muestra cu den e punto aki tambe esnan cu ta dirigi "Madiki Country Club" a faya. Manera ta conoci, e dos personanan cu ta dirigi "Madiki Country Club" srs. Jac D'Jon y Boh Glenn, no tin permit pa traha na Aruba y den pasado ya na hanja nan den dificultad cu e asunto aki.

donan agradable pa henter pueblo di Aruba.
3. Pa gobierno mi ta laga tur mi awanan, terrenonan y lamarnan pa nan busca petroleo pa asina den e anjanan venidero mi por conta

cu ayuda financiero di parti gubernamental pa e gran carnaval di Aruba.
4. Pa gobierno di Antillas mi ta laga mi peticion pendiente pa percura duna liber e dialumadespues di e gran parada di carnaval, maske ta na Aruba so.
5. Pa comerciantenan mi ta laga mi negoshinan y placa panan haci caridad na e poberman, pueblo y nan mes y gratitud pa nan bunita cooperacion deseandonan hopi exito e anja aki.
6. Pa e steelbandnan mi ta laga

tur e drumnan bashi cu nan a hanja di menos e anja aki y hopi danki y tambe un regalo pa tur e steelbandnan cu a coopera cu carnaval di Aruba.

7. Pa prensa, radio y television mi ta laga compresion y danki pa nan cooperacion espontanea y hopi bon comentario.

8. Pa e polisnan, mariniers, hulpverkeersbrigade Aruba y Korps Hulpverlening mi ta laga mi agradecimiento pa nan bunita trabao.

9. Pa e boticanan mi ta laga hopi remedi pa cura e cayonan, poelroe pa refresca y stropi pa e garganta heers cu tur hende a hanja di tanto canta "Archie pop me up".

10. Mi ultimo deseo ta cu tur hende bal nan cas tranquil o y

dedica nan mes na e asuntonan serio cu nan a lubida durante e gran carnaval 1966 pensando ya caba pa haci carnaval. Ami ta bai Aruba ta keda, carnaval ta keda, biba carnaval y biba Aruba. Aruba, 22 februari 1966
Rey Momo

TA BUSCA

Un mucha homber pa parti Arubaanse Courant na: PONTON - BUBALI y WASHINGTON, E WESTER TON BICICLETA!

Pa inf.: Acudi na oficina di Arubaanse Courant, Boerhavestraat 12, of jama tel. 1116/2116.

CISCO KID



Prome di a expira su ultimo suspiro, sin embargo, e Rey Momo a laga e siguiente testamento atras:

"Pueblo di Aruba"
Prome cu boso kimami mi ta pidi presidente di Central Carnaval Comite di haci publico di testamento dilanti di e multitud grandi reuni aki awe noch, diamars dia 22 di februari, bispu di diarazon di shinishi 1966;

1. Na promer lugar mi gratitud ta bai na un y tur sin excepcion pa e bunita cooperacion co bosoa duna pa haci e fiesta di locura bira un exito grandi y sigur sigur e fiestanan di carnaval di Aruba mester bira mas grandi anja tras anja.

2. Mi no tin hopi cos pa laga atras e anja aki pero toch lo mi cuminda cu hiba cu mi e recuerdonan desagradable y laga tur e recuer-

PEPITA pa cortesia di NEME IMPORT & EXPORT CO. agente di



"E auto cu estilo completo ta bini di FORD"



Despues di nos prome baile

Casi Nora por a cuminza jora, asina miserable e ta sinti su mes. E ta sinti un sentimiento solitario. Y esey djles pasobra un conocido cualkiera, no tin tempo mas pé. Nora no por tumé na malo cu e ta bay serca su amiga. Y tampoco e no kler bolbe miré mas. Mi kler mi tranquilidad y nada otro, e ta bisa su mes. Masha habil e homber ta saca su auto for di unda e ta parkeer. E ta corre cu e mesun auto cu Angermann, Nora ta pensa. Pero un auto bunita asina, si ta pas pé. Pasobra e mes tin algo masha particular na su curpa. Ya Nora no tin smaak mas pa sigul keiro. Desconsolá e ta cay sinta den su Volkswagen y lentamente e ta coy caminda di cas bek. E ta sintié miserable, pero toch e no tin ningun motibo pa ta asina.

XXXXXX
Ora cu Brigitte a jega cas e anochi ey, el a haci un impresion tristo y cansá. Nora a spunta, pasobra nunca Brigitte sa muestra asina, semper e ta jen di brio y animo. "Kiko a pasa?" e ta corre puntra. "Wahlen a bira un poco confia di mas?" Violentamente Brigitte ta sacudi su cabes y ta bira su cara otro banda, kizas pa sconde su lagrimas. "Nada no a pasa", e ta contesta

poco duro. "Mi no falta nada. Solamente mi ta sintimi poco cansá. Awe tabata un dia bunita. Mi no ta permiti pa sintimi cansá un blaha?" E ta cana bay pafó. Dos blaha Nora ta tende un porta dal sera duro, y despues ta reina un silencio enorme den e villa grandi. Pero e silencio ta masha intrankil, especialmente pa Nora. E ta sintie nervioso y cu miedo. Algo a pasa Brigitte y mester ta algo serio tambe, sino e no por a actua asina. Nora ta paga su sigaria y ta bay pafó tambe. Ora cu el a jega dilanti e kamber di Brigitte e tabati, pero e no ta haya contesta. E por tendé ta snik. Sin vacila mas e ta habri e porta y ta drenta. Brigitte ta drumi riba su cama, y ta joranda. Nora ta cana bay serca dje, y cu cuidao e ta pasa man riba su cabey. Prome Brigitte ta cuminza jora mas duro y Nora ta haya hopi duele di dje, pero lentamente e ta cuminza stop. Porfin e ta bira su cara. "Kiko mi mester haci?" e ta puntra. "E ta stimami, y kler casa cu mi. Awetardi mes, el a pidimi. Mi ta hurabo Nora, cu no ta ami a provoqué. Pero Alf....., e ta bisami cu e ta stimami, for di promé blaha cu el a mirami. Y e por bira felis solamente, si mi

bira su senjora. Bisami kiko mi mester haci". El a alcanza e doel pa loke el a bin akinan, y awor e ta sinta ta jora pasobra el a triunfa". Nora ta pensa cu duele. E ta cay sinta riba e cama y ta coy Brigitte su man tene. "Mi ta sigur cu e ta un bon homber Nora. E ta asina lief. Mi no por a sospecha, cu e ta asina bon, dia cu mi a topaculé, na e balle. E ora mi a pensa solamente cu e tin placa, y cu nos por haci tanto uso di e placa ey....." "Y awor bo a sinja conocé manera un ser humano?" "Si, mi no a conta riba esey mes. Si e tabata bieuw y mahos, lo a resulta hopi mas facil pa mi, pero ya cu nota asina..... E ta un poco tímido, pero mi ta kere, cu ta mi dilanti e ta haci asina. E ta cargami den suplanta di man. Pero, ami no por soporta esey Nora, pasobra mi ta un mal hende". Te ainda Nora ta caricando Brigitte su cabes, pero e no por haya e palabran adecuado pa consolé. "Si mi casa cu né.... E ta spera asina tanto di mi. Bo ta comprendi, e no ta pensa mes cu el a comprami cu suplaca. E ta kere cu mi ta stimé, y mi no por bisé..... Mihor cu nunca mi a sinja conocé". "E sa cubo no tin placa?", Nora ta puntra.

Violentamente Brigitte ta admiti cu su cabes. "Si, mi a bisé. Pero no ta importé. Alcontrario e ta haya cu asina ta mas mihor". E ta sintié felis, cu e por haci algo pa mi". Atrrobe Brigitte ta cuminza jora. "Y ami a drenta cu ne djles pa su placa". Nora ta coy Brigitte brazo. "Pero ainda bo tin tempo, pa pensa bon riba bo contesta, Brigitte. Of.... ya bo a tuma un decision caba?" "No. Ta con mi por? Och, mihor cu nunca mi a bin akinan". "Y Reinhard awor, bo ta stimé?" "Naturalmente, cu mi ta stimé. Ach, ya mi mes no sa mas. Reinhard ta asina inteligente..... mi ta sigur cu mi ta stimé. Pero e no sa. Of mi kler teen, e no ta sigur. Pero Alf ta stimami. Bo no por kere, con bon el a tratami awe. E ta muestra asina preocupá y tierno. Y e tin bon tipo tambe". Involuntariamente Nora ta cuminza hari. Pasobra e anochi anterior Brigitte a reaccioná completamente otro di e homber ey. Alf Wahlen no ta un belleza, pero un homber normal, cu sa con e mester comporta su mes. E ta bisti su smoking na un manera sigur di su mes, y ademas su riqueza tambe ta permitié hasi asina. "Mi a bisé, cu mayan... mi meser

bay bek serca mi mayornan. El a ofrecemi pa hibami eynan. E tin gusto di sera conoci cu nan. Mi ta kere cu e lo bay yuda mi tata mesora". "Pero tur cos lo ta bon anto?" Ya Nora no ta comprende mas. "No, nada no ta bon". Brigitte ta corre contesta. "Pero bo no ta comprende, cu mi no por accepta placa di dje? E ta stimami. Ami mes no sa, kiko el a mira den mi. Mi no ta un bon hende, manera e ta pensa. Pero e ta kere cu mi ta algo particular...." "Mihor bo bay drumi trankil. Mayan lo bo haya un mihor idea. Bo mester mira e asunto di un cierto distancia, Brigitte". "Tur esey lo no yuda. Mihor nos no a bay e fiesta dia. Y mi ta kere, cu mi ta comporta mi mes na un manera masha bobo. Nora, ami no sa mas, kiko mi kler?". "Mihor bo papia cu bo mayornan", Nora ta consehé. "Bay bo cas mayan, y papia claramente cu nan. Nan lo consehabo kiko ta mihor pabo haci". "Bo ta kere?" e ta puntra un poco speranza. "Un banda bo tin razon. Papa ta masha inteligente. E tin remedi pa tur cos. Lo mi bisé tur cos. Y e ora.... despues mi por bini den contacto cu Alf." Di repente Nora ta puntra: "El a sunchi bo?"

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE



CREO QUE NO CERRARE LOS OJOS, SEÑOR... ME ENFURECE EL VERME GOLPEADO...



MAÑANA EXAMINAREMOS ESTO MÁS A FONDO...



POBRE DESMOND. ALGO ME DICE QUE EN ESTO HAY ALGO MÁS QUE LAS APARIENCIAS.

FOR CUMPRU ADEUNANDE COURANT NA E SIGUENTE LUGARAN:

NA ORANJESTAD: BOEKHANDEL MARRKA, PIET SODA FOUNTAIN, REFRESQUERIA INGRID

NA SAN NICOLAS NICOLAAS STORE UNION STORE.

- 7.00 La Biblia Abierta
- 7.15 Noticias Español
- 7.25 Llamada a la Conciencia
- 7.30 World News
- 7.45 Christian Emphasis
- 7.50 Bo Musica Favorito
- 8.15 El Camino de Victoria
- Joyas del Hogar
- 8.30 Ultimas Noticias
- 8.45 El Pan de Vida
- 9.00 Mundo Femenino
- Gymnasia
- Joyas del Hogar
- Canta Leo

DICK TRACY

presenta pa cortesia di:

VICTORIA BOTTLING COMPANY

PEPSI-COLA---SEVEN UP---GRAPETTE-KIST--- VICTORIA SODA WATER--- BUFFALO ROCK--GINGER ALE



EVERYBODY COMFORTABLE?



HOW MUCH LONGER? 5 SECONDS -4-3-2-1-ZERO.



000 000 LIVE FROM THE MOON



WE WANT THE BABY! WE WANT THE BABY! WE WANT THE BABY!

BUCHI ROBES



- 9.15 El Sendero de Vida
- Canticanan di Evangelio
- Corazon a Corazon
- 9.30 Morning Melodies
- 10.00 The Bible For You
- 10.05 Band Music
- 10.15 Organ Melodies
- Thoughts on Home
- Sacred Songs
- Gospel Bells
- Sacred Classics
- 10.30 Through the Bible
- Songs That Touch The Heart
- 11.00 Chapel of the Air
- 11.15 Delicados Pastos
- Canticanan di Evangelio
- 11.30 Melodias di Merdia
- 12.00 Ultimas Noticias
- 12.15 Musica Sagrada y Meditacion
- Sacred Music & Call of Calvary

Nieuw Amsterdam 1 maart na Aruba

ORANJESTAD - E firma S.E.L. Maduro & Sons (Aruba) Inc., a informa cu e bapor di turista "Nieuw Amsterdam" di e "Holland Amerika Lijn" lo yega Aruba dia prome di maart. Na ocasion di e bishita aki, conocido y relacionadonan di e firma menciona, cu ta representa e bapor, a worde invita pa un cocktail y un lunch abordo.

VOZ DI ARUBA

- 5.57 Apertura
- 6.00 Wake up easy (Country music)
- 7.00 Escala en Mejico
- 7.30 Noticias (Papiamento)
- 7.45 Monitor 1325
- 8.15 Noticias (Ingles)
- 8.30 Regalo Musical
- 10.00 Novela
- 10.30 Fantasia Musical
- 12.00 Musica Europea
- 12.15 Noticias (Hulandez)
- 12.30 Noticias (Papiamento)
- 12.45 Melodias Instrumental
- 13.00 Noticias local (Papiamento)
- 13.15 Artistas Antillanas
- 14.00 Via 10 musical
- 15.45 The chatter platter
- 16.15 Noticias (Ingles)
- 16.30 Complacencias felicitaciones
- 17.00 Ban Econ. Cump. na La Esperanza
- 17.30 Deporte na Marcha
- 17.45 Atardecer Musical

- 19.00 Noticias (Papiamento)
- 19.15 A.B.C. Der Cultuur
- 19.30 Turntable 65
- 20.30 Voz di Aruba Safe Driving Car Club
- 23.00 Clausura.

RADIO KELKBOOM

- 07.00 Opening
- 07.02 Bon dia cu Alegria (Instrumental)
- 07.30 Noticia International
- 07.45 Musica Matutino
- 08.00 Seleccion Musical cu disconan Latino Americano.
- 08.30 Cumpleanjos Feliz
- 09.00 Noticia Social
- 09.15 Musica Varia
- 10.00 Noticia International (Tennent's St.)
- 10.15 Ritmo Latino
- 10.30 Programma di N. Habibe Jr.
- 11.00 Noticia Local.
- 11.10 Intermedio Musical.
- 11.15 Musica Antillana
- 11.30 Ritmo Latino
- 12.15 Noticia International
- 12.30 Musica Norte Americana
- 12.45 Noticia Local (Viana).
- 01.00 Musica Varia
- 01.30 Mei ora cu Boleros.
- 02.00 Noticia Local (Resumen)
- 02.10 Cantares di Caribe.
- 02.30 Verzoekplatenprogramma riptitcion
- 03.00 Noticia International.
- 03.15 Programa Juvenil.
- 03.30 Ritmos di Caribe
- 03.45 La Macorisana & International Sup.
- 03.55 Musica cu sabor Azteca.
- 04.30 Noticia Local (Heineken).

- 04.45 Cocktail Musical
- 05.00 Programma di teenagers
- 05.30 Musica Varia
- 06.00 Noticia Deportiva
- 06.15 Musica Varia
- 06.30 Musica para la cena
- 06.45 R.V.D.
- 07.00 Noticia
- 07.15 Musica Hulandes
- 07.45 Musica Norte Americana
- 08.15 Peticion pa telefoon
- 09.15 Vuelve el Ayer
- 10.00 Sluiting.

RADIO ANTILIANA

- 5.30 Apertura y Oracion
- 5.35 Manianita Arubanas
- 5.45 Melodias di Wild West
- 6.10 News in English
- 6.30 Noticia na Papiamento
- 7.00 News in English
- 7.30 Noticia na Papiamento
- 7.45 Programma di Jule Nieuw
- 8.00 Espacio pa un Ritmo Criollo y un poesia
- 8.10 Variedad Musical
- 8.30 Musica y consejo dedica na tur nos amigonan automobilista
- 9.00 Noticia na Papiamento
- 9.15 Musica Norte-Americano
- 9.30 Mejico cantando via Radio Antillana
- 10.00 Intermedio Musical
- 10.10 Noticia na Ingles
- 10.20 Programma di La Macorisana & International Supermarkets
- 10.40 Momento di Ritmo
- 11.00 Tur dia otro programma
- 11.00 Musica Colombiana
- 11.15 Voznan Popular
- 12.00 Oracion di merdia

- 12.03 Seccion Informativo
- 12.20 Noticia na Papiamento
- 12.30 News in English
- 12.45 Capsulas En Orbitas alrededor di Mundo Deportivo
- 1.00 Noticia na Papiamento
- 1.20 Fiesta Calypso
- 3.00 Musica Norte-Americano
- 4.00 La Esperanza y su Obsequio Musical
- 4.30 Variedad Musical en Complacencias
- 5.00 Noticia na Papiamento
- 5.30 Calypso Rama - Budweizer
- 5.45 Musica Chevera
- 6.00 Variedad Musical
- 6.15 Musica Colombiana
- 6.30 Noticia na Papiamento
- 6.45 Variedad Musical
- 7.00 Felicitaciones y Complaciendo eticiones
- 7.45 Programa di Jule Nieuw
- 8.00 Programa di Club Bonairano - Club Surnam
- 8.15 Continuacion di Fel. y Cump. Peticiones
- 8.30 Reddy Kilowatt
- 9.00 Desfile di Exitos
- 10.00 Anioranzas
- 10.30 Impactonan Musical
- 11.00 Melodia y Romance Musical
- 12.00 Clausura

RADIO VICTORIA

- 6.00 Apertura & Musica di Banda
- 6.15 E Bijel Habri
- 6.30 Ultimas Noticias
- 6.45 Peticiones

- 2.15 Quiet Hour
- 2.30 Dr. Barnhouse and the Bible
- Bible Study Hour
- 3.00 Ensueños Musicales
- 3.30 La Hora Bautista
- Control Central
- Bo Pregunta Contesta
- Prosa Y Poesias
- Vida Nueva
- Titanes de Fe
- 3.45 Academia Cristiana
- Melodias del Alma
- 4.00 Musica di Banda
- 4.15 Ultimas Noticias
- 4.30 Listening Post
- Fun With Music
- 4.45 Sailor Sam
- Muchanan pa Cristo
- Children's Gospel Hour
- Fun With Music
- Music BOX
- Hobentud Pa Cristo
- 5.00 Vertical Uurtje
- Canta Leo
- E Ora Aventuroso
- Melodias del Alma
- Informacion di Gobierno
- 5.15 Palabranan di Bida
- 5.30 Ecos del Cielo
- La Voz del Evangelio
- 5.45 Musica Sagrada
- 6.00 Nederlands Nieuws
- 6.15 De Groene Wieke
- Christelijke Liederen
- Christus tot de Volkeren
- der Aarde Gebracht (heruitaling)
- Voor Zijn Glorie
- Windows on Holland
- 6.30 World News
- 6.45 Lago Hour
- Baptist Hour
- Miracles
- Musical Interlude
- Haven of Rest
- Issues in the News
- 7.00 Organ Hymns that Live
- Sacred Songs
- 7.15 Off the Record
- 7.30 Miracles and Melodies
- Bible Time
- Light and Life Hour
- Haven of Rest
- Unshackled
- Showers of Blessing
- 7.45 Psychology for Living
- Lock Up and Beyond
- 8.00 Musical Gems
- 8.30 Back tot the Bible
- 9.00 Klasseke Muziek
- 9.15 Dagsluiting
- 10.00 Sign Off